

先是同年月十二日又祔宣藤原長子於廟內殿中曾
 不令出戶外令伴云官位之使十六日可到奉之由南止
 隱等有被告之其間依有可仰云所令作也昔平時及十
 六日勅使來到讀宣命之間以別當信松壽不令書朝
 昨為北國被患士是

[Faint bleed-through text from the reverse side of the page]

菅家御傳記 散位從五位上菅原陳經謹勅作

昔在神代天照大神之子天穗日命帥其子天夷鳥

命亦曰武日照命天降于出雲國矣從天將來神寶藏于杵

築神宮焉

天夷鳥命十二世孫ウカツクヌ鷺濡淳命飯入根磯城瑞籬宮

御宇崇神天皇御世 勅定出雲國造

鷺濡淳命弟曰甘美乾飯根命甘美乾飯命子曰野

見宿根纏向珠城宮御宇垂仁天皇御世喚野見宿

禰與當麻蹶速令揃力二人相對立各舉足相蹶則

野見宿禰蹈殺蹶速故奪蹶速之地悉賜之仍留住

焉於是皇后日葉酢媛命薨是時古風尚存喪葬無節
 天皇神襟有悲傷詔曰止殉祭之為行野見宿祢
 奏曰夫君王陵墓埋立生人是不良也豈得傳後葉
 乎願喚上出雲土部人等取埴以造作人形以是土
 物更易生人樹於陵墓為後葉之法則天皇大喜之
 曰汝便儀寔洽朕心則其土物始立于日葉酢媛命
 狹城墓今狹城盾列是也是以土物謂埴輪仍下令曰
 自今以後陵墓必樹是土物無傷人焉天皇厚賞野
 見宿祢之功亦賜鍛地即任土部職因改本氏謂土
 部臣其後天皇崩于珠城宮葬菅原伏見山

陵今菅原御立野中陵是也土部臣野見宿祢主喪葬之事天皇

太子景行天皇詔充陵戶兼守山也爾來土部氏萬葉居

菅原伏見邑土部臣野見宿祢三世孫身臣難波高

津宮御宇仁德天皇御世改土部臣賜土部連姓

土部連身臣七世孫大唐學生甥飛鳥淨御原宮御

宇天武天皇天下萬姓改定八等之日改土部連賜

姓曰土部宿祢

土部宿祢甥四世孫遠江介從五位下古人平城宮

御宇光仁天皇天應元年六月上狀望請因地名改

土部以為菅原姓勅許之

菅原宿祢古人長男外從五位下道長長岡宮御宇
桓武 天皇帝曆九年十二月改菅原宿祢賜姓曰菅

原朝臣

右日本書紀續日本紀氏族志抄新撰姓氏錄菅

原本系帳所載

贈正一位菅原大政大臣諱道真參議從三位行刑

部卿是善

古人四男曰清公仕至文章博士從三位清公長男曰是善

三男母大

伴氏也少而好學博涉經史及壯工文兼詠和歌師

事文章生田口達音門弟之中已為貫首

貞觀四年四月十四日式部省試賦贊○五月十七

日及第

文章

此日補文章生

家記

同九年正月七日為文章得業生○二月并九日授

正六位下

家記

同十二年三月廿三日式部省試對策○五月十七

日及第此日授正六位上

家記

同十三年三月二日為少內記

文章家記

同十四年正月六日為存問渤海客使

三代實錄

十四日親母大伴氏奄然

文章

○五月廿四日

詔

奪情起之令作答渤海客王勅書

少內記如元

同十五年正月七日授從五位下遷兵部少輔○二

月廿九日未幾遷任民部少輔

同十九年正月七日任式部少輔

元慶元年十月十八日兼文章博士式部少輔如元

同二年十二月十三日依家君教代右大臣正二位

藤原朝臣基經制文德實錄序

同三年正月七日授從五位上

同五年五月廿日親父是善薨

同六年正月十一日兼加賀權守式部少輔文去年

丁父憂解職今以本官起之

同七年四月廿一日緣饗渤海客推行治部大輔事

是時道真與渤海大使斐文籍賦贈答詩數首文章載紀

使稱曰道真文筆似白樂天也

仁和二年正月十六日任讚岐守罷式部少輔文章博士二官

同三年秋乞暇入京

同四年春更向州是時授正五位下○五月六日城

山神祭之請雨即日降雨也

寬平二年春罷秩歸京

同三年二月廿九日補藏人頭○三月九日任兼式

部少輔○四月十一日又兼左中弁藏人頭式部少輔如元

廿五日上狀請解藏人頭勅許之

同四年正月七日授從四位下○五月十日類聚國史奏上先是道真奉勅修撰至是功成史二百卷目二卷帝王系圖三卷

同五年二月十六日為參議遷式部權大輔左中弁如元

廿三日轉為左大弁○四月三日任勘解由長官兼

春宮亮參議左大弁式部權大輔如元

同六年八月廿一日為遣唐大使副使從五位上守右少弁兼行式部

少輔文章博士紀朝臣長谷雄○九月十四日上狀請令諸公卿議

定遣唐使進止○十二月十五日兼侍從參議左大弁式部權

大輔春宮亮如元

同七年五月十五日勅止遣唐使進○七月十六日

為中納言即日授從三位○廿三日兼春宮權大夫左

弁侍從如元

系圖七年十月十六日為中納言即日授從三位十一月十三日兼春宮權大夫

同八年正月七日授正三位

同九年六月十九日任權大納言同日兼右近衛大將

七月廿三日又兼中宮權大夫

昌泰元年八月廿八日兼民部卿權大納言右近衛大將中宮權大夫

如元

系圖寬平八年八月廿八日兼民部卿九年七月十三日叙正三位

同二年二月十四日為右大臣右近衛大將如元 ○三月廿

八日三名上表辭大臣 詔不許之

同三年八月十六日獻上家集合二十八卷祖父清公管家

集六卷親父是善管相公集十卷道真管家文章十二卷 十月十日再上表辭大將優

詔不許之

延喜元年正月七日授從二位 ○廿五日任太宰權

帥罷右大臣右近衛大將 依左大臣正二位兼行左近衛大將

藤原朝臣時平公讒也 ○二月二日如筑紫國長男

從五位上行右少弁高視次從五位下式部大丞景

行藏人正六位上兼茂正六位下文章得業生淳茂五十

等悉尤遷諸國

同三年二月廿五日薨于太宰府于時春秋五十九

道真公所詠歌集曰管家御集有一卷昌叅三年以

至神退所述詩文曰管家後集有一卷又三代實錄

預編修不遂其業則大藏善行筆之

延長元年四月廿日贈正三位復本位右大臣

正曆四年五月廿一日贈正一位右大臣勅使武藏

幹政在躬子同閏十月十九日贈太政大臣勅使藤原

淳茂孫也 同閏十月十九日贈太政大臣勅使散位從五

位下管原為理幹政姪輔正子也 右掾管家文章後集三代實錄公卿補任管原本系

帳家記等記之
安樂寺學頭安修奏狀云太宰府安樂寺者贈大相國菅原道真公喪葬之地十一面觀世音大菩薩靈應之處也延喜五年八月十九日味酒安行依神託立神殿稱曰天滿大自在天神北野社家者說曰天慶五年七月十二日神降著右京七條坊婢文子託曰我菅丞相之靈也欲居右近馬場可造神殿也其女賤而不能營作奉齋家邊

○天曆九年三月十一日亦著近江比良神人良種子年七歲託曰我昔任右大臣先夢松生我身而便

折是以我知昇三公官又逢元遷既爾以故我欲居之地必當生松也一夜之中松數千本生北野於是朝日寺僧最珍與良種婢文子戮力一心造立神殿
○六月九日奉遷于北野神殿
○天德三年二月廿五日右大臣正二位藤原師輔造增神殿屋舍獻上神室數品
外記日記曰一條天皇永延元年八月五日始行北野聖廟祭祀宣命云掛畏支北野尔坐天滿宮天神云天滿天神之勅号始起此哉
○寬弘元年十月廿一日始有行幸奉幣帛

嘉承元年十二月十八日

陳經 (花押)

修理大夫資仲說曰或人說示曰偷覽或日記菅原院者相公是善卿之家也相公平生昔日其宅南庭有齡五六童子容止閑雅體貌奇偉相公問汝是何氏子男何由来遊童子答曰我無居處父母欲為相公之新友相公知匪直入饗應許諾相從研精天才日新謂之菅贈大相國云日記之趣是非不測矣元永元年八月七日掃部頭從五位下大江朝臣佐國謹書右菅原陳經本加茂氏菅家御傳記大江佐國記錄窺古家求得件書寫之兩人菅丞相公族類也

為證可足然道真公補任與菅原系圖有相違為

加筆猶俟後學之是正耳

道遠院殿

文明十年八月六日

藤黃門

在判